

La Chaux-de-Fonds, 28 août 2026

Deklaratë mbi dhunën në familje

Dhuna ndaj bashkëshortit/bashkëshortes dhe fëmijëve është shkelje e të drejtave themelore, që ndalohet nga ligji zviceran.

Nuk janë të ndaluara vetëm dhuna fizike dhe goditjet. Por janë edhe fjalët dhe sjelljet e përsëritura që krijojnë një ndjenjë frike: si për shembull, poshtërimi, kërcënimet, ndalimi për të takuar njerëzit e afërm, ngacmimet.

Përvetësimi i parave nga bashkëshorti/bashkëshortja pa pëlqimin e tij/saj ose moskontributi në shpenzimet e shtëpisë së përbashkët është po ashtu një formë dhune. Kur njëri partner e detyron tjetrin të kryejë akte seksuale pa pëlqimin e tij/saj, kjo përbën dhunë seksuale.

Të gjitha këto forma dhune janë të dënueshme. Ato ekzistojnë në të gjitha vendet, në të gjitha gjuhët dhe në të gjitha kulturat. Policia duhet të ndërhyjë kur ushtrohet dhunë edhe kur nuk ka denoncim.

Viktimat e dhunës që vijnë nga vende të tjera dhe nuk kanë një rrjet të njohurish përreth tyre, të cilët mund t'i mbështesin ose t'i ndihmojnë të kuptojnë se si mund të mbrohen, janë veçanërisht të pambrojtur. Ato mund të marrin mbështetje nga policia, nga shërbimi i ndihmës për viktimat dhe nga shërbimi i kohezionit multikulturor, në gjuhën e tyre amtare.

Personat që kryejnë akte dhune arrestohen nga policia dhe më pas merren në pyetje në lidhje me ngjarjen. Në varësi të rëndësisë së aktit të kryer, ata raportohen në organet e drejtësisë, që më pas vendosin një dënim apo një masë, në mënyrë që t'i ndalojnë këta njerëz të përsërisin në të ardhmen akte dhune.

Të afërmit ose të njohurit e individëve të përfshirë në ngjarje nuk duhet të ndërhyjnë në një situatë që nuk ka të bëjë me ta. Në veçanti, është e ndaluar të bëhen akuza, kërcënime, frikësime ose ngacmime ndaj një personi, duke përfshirë këtu edhe mesazhet apo rrjetet sociale. Sjellje të tilla mund të ndëshkohen me ligj, pavarësisht nëse ka nisur ose jo një procedurë ligjore.

Grégory Jaquet
Shef i departamentit**Burimet**

Policia e Neuchâtel-it, 0328899000

Shërbimi i Kohezionit Multikulturor, konsultime sociale të përkthyer dhe konfidenciale:
0328897442

Shërbimi i ndihmës për viktimat, 032 889 66 49

Për të gjitha informacionet e përgjithshme, 142